



林峰，1967年生，浙江龙游人。中华诗词学会副会长兼学术部主任。《中华诗词》杂志社副主编。曾获“诗词中国”“最具公众影响力诗人”荣誉称号。著有《一三居诗词》《花日松风》《古韵新风》(与人合作)等诗集。

衢州烂柯四绝

樵隐岩

细雨潇潇挂绿萝，漫天花影自婆娑。
千年未觉春秋老，莫问人间岁月几何。

青霞洞

烟浮竹径鸟声开，梦里秋桐飞满台。
欲借长空呼白鹤，青霞又过此山来。

一线天

耳畔天音杂梵音，峰巒云树拂人襟。
谁留一线神仙眼，来看红尘万古心。

天生石梁

危梁横绝九霄东，势倚三衢贯碧虹。
眼角星河连上界，天生佳境画图中。

南京浦口之水墨大堤

朦胧天色浦青岚，水上鸥浮村两三。
爱此风光如故友，画中流出小江南。

南京浦口之西楼倩倩

远望枯容欲近难，亭亭立到雪楼寒。
几时腊破东风里，涌动池心一寸丹。

清明

碧草如烟景不真，风霜磨瘦百年身。
仙山今古知谁在，唯有芳菲近故人。

大洋湾夜赏樱花

万树梢头翡翠光，与君裁作紫霞裳。
今宵愿自花前过，不负缤纷一段香。

府谷千佛洞

欲随白鹤上高台，洞里春秋次第开。
我佛也知风雅事，禅光一缕度人来。

正蓝旗金莲川草原

旷原纵马碧琼英，借得东风入上京。
最喜峰头青翠色，也随芳草送人行。

夜宿达州莲湖山庄

雨过巴东翠接天，山庄梅小挂吟边。
夜深深待清风起，似有香浮石上莲。

河津行吟

河津真武庙

龙护九峰还，长松掩紫关。
鹤来花影淡，麟卧月眉弯。
鹤我三清外，阴阳一纸间。
修行能到此，心净即蓬山。

薛仁贵故里

晚烟一抹上寒窗，恍见清风振白袍。
箭射天山堪伏虎，波翻辽海可擒蛟。
千年星散旌旗远，万壑云来山岳高。
知有平戎长策在，铙歌醉里啸金刀。

河津龙门

绝壁谁开万古雄，天梯千尺渐朦胧。
浪回秦晋思渔父，烟过陕甘迷断鸿。
玉女蕊开桑峪北，桃花风起大河东。
舟头又听奔雷响，欲上昆仑接太空。

玉门关

关楼接大漠，鼙鼓动天声。
塞上金汤固，陇中壁垒横。
晴辉明明野，佳气满边城。
谁在西风里，悠然忆远征。

砺山黄河故道

九月秋何老，天高云不飞。
轻帆犹在望，浊浪久相违。
石树生虚象，林花入夕晖。
黑龙应有待，要卷大河归。

常山奇石

山中惊楚壁，谁掷在人间。
灵动风雷势，气寒神鬼鞭。
清辉浮玉树，碧彩出尘烟。
此去青霄近，悠然太古前。
注：县城名曰常山故有山中一说。

大梁山

雄关镇远衢，古道贯川渝。
岭带双州势，山融五岳图。
天街闻鹤语，星月待人呼。
何处盘歌起，衔杯问寄奴。

通川谭家沟

车自盘旋久，路从窗外斜。
村虚余壁彩，楼静落檐花。
有梦催诗笔，无缘问酒家。
牧童犹不见，随处听山蛙。

题周村烧饼兼寄淄博故友

马蹄踏破五湖秋，醉里村烟上小楼。
节近重阳霜雁远，路遥千里晚英浮。
盈眸玉叶金如染，入口琼酥香欲流。
幸有故人长忆我，夜随蝶影到淄州。

简注：马蹄：周村烧饼由马蹄饼演化而来。玉叶：周村烧饼又称“瓜拉叶于烧饼”

谨次马凯同志中华诗词学会四代会召开诗并和

月上苍梧眼已迟，秋风夜度最高枝。
寸情暗自云涯起，大梦通随电雨驰。
箭出天山堪作赋，舟回银汉好题诗。
雄图幸有点睛手，待看烟开菊绽时。

夏夜

蝉声遥入读书堂，斜倚高楼近夕阳。
风度红云飞在手，星铺碧汉缀成章。
沃壤已添粮百亿，落花空对梦伶仃。
西天鹤去无多事，况有苍松老更青。

安徽沱湖

连天白水涨平芜，楼外水轮漾绿珠。
鸥鹭飞时秋色渺，帆樯过处客心孤。
凭轩犹见鱼龙势，隔岸初开海岳图。
我亦匆匆人世客，且将醉眼认江湖。

奉贺叔子公米寿谨依焯先生韵

满眼芳华竟日新，晚霞如锦月如银。
毫挥高阁携黄鹤，句落清江动紫鳞。
片语犹关身外事，寸心未负世间人。
而今鬓上千丝雪，欲唤楼头又一春。

己亥春诸诗银先生韵并和

相对菱花暗自惊，几曾两鬓带霜明。
云来眼底难成雪，月到杯中亦吐英。
老树鸦随春气静，疏星雁共翠光生。
遥知明日烟波上，会有天声动晓晴。

宣城敬亭山

独坐楼头暑气浓，相随惟有敬亭松。
梦回紫翠三千尺，人隔云烟九万重。
太白已留深浅迹，玄晖犹照往来踪。
山中觅得如神句，要唤沧溟起卧龙。

常山江(宋诗之河)

满眼诗光映水光，岸风吹雨过重杨。
人来古渡花争放，梦醒高台酒自香。
村舍依稀惊日晚，弦歌婉曲隔云长。
梅黄时节知谁健，再约苏辛共远航。

罗浮山

蓬岛南移许万年，宝山揽翠出尘烟。
云翻白鹤迷香国，夕度青牛入洞天。

金鼎丹红堪抱朴，玉坛经古可师贤。
苍茫湖海今谁在，眼里松萝即大千。

接林凡公墨宝赋此遥谢

谁纵高鸿带墨香，晴窗春日尽辉光。
云来纸上襟怀开，潮涌毫端气韵长。
三绝名高惊上国，千金身重动华堂。
几时得借长风起，好向天涯问去航。

贺兰山

云端峰列百千重，天马奔来海岳空。
剑气蒸腾明灭外，曙光隐约有无穷。
思随秦塞惊荒雁，梦起银川贯碧虹。
莫道九边秋渐老，长松十万啸西风。

悼蔡公厚示依星汉先生韵

忍将清泪碧冰输，双柳楼头更福三。
宝翰长随鸿雪舞，清辉可把岫云涵。
水流深处情难了，玉折时分句未遑。
拾翠人今跨鹤去，西风冷雨满江南。

罗平金鸡峰从

大山无数入遥天，岭上金鸡已万年。
翠带芬芳来袖底，丹分锦绣到眉边。
虹辉腾耀闻清籁，月影婆娑醉玉弦。
借得海天云一片，峰头共我百花眠。

春夜

银灯玉焰幻虹霓，如水流光忆好题。
岁后梅英辉月影，风前柳絮入春溪。
七星剑映南斗上，万卷书翻北斗低。
欲寄新词犹未得，隔窗遥听一声鸡。

鹏公米寿谨依晓东老韵

介居宝砚漫琼华，星斗横窗玉管斜。
胸次烟云凌海岳，掌中风雨化龙蛇。
醉邀春柳翻新曲，笑送清词入晚茶。
梦里苍鹏翎羽湿，要催白浪走天涯。

简注：介居为沈鹏先生书斋名。

灵璧石

流光倒转万斯年，篆刻鸿蒙出大千。
海底乾坤银作柱，洞中日月玉为天。
清辉已照胎珠影，灵骨渐磨心镜圆。
解得连城真宝器，警声撕破五湖烟。

悼袁隆平先生

夜半哀歌不忍听，湖山千里哭英灵。
昏黄云散田畴影，憔悴鬓梳今古铭。
沃壤已添粮百亿，落花空对梦伶仃。
西天鹤去无多事，况有苍松老更青。

高山旗印象

藜仗东风破晓寒，九重箭射万峰开。
花明曲径棕熊熟，鸟过长溪羽鹤回。
木鼓声穿穿峻峭，筒裙舞动碧云杯。
梦魂今向东南去，清思如缕细剪裁。

简注：高山族为中国台湾南岛语系各族群之统称。居住于台湾、福建、浙江等地。以稻作农耕渔猎经济等为生。高山族有华南古文化之特质。比如果居、舟楫、鼓木鼓、嚼槟榔、酿米酒、穿筒裙、山歌歌舞、断发文身；琴箫挑逗、射日神话等。

衢州天宁禅寺

衢州天宁禅寺，浙西千年古刹也。宝相庄严，香火鼎盛。历代高僧辈出，佛光耀灿。昔日吾曾屡敬檀香，听经礼佛。倏忽间十余年哉。今虽身在京华而心系三衢也。平日里时时想起，感慨良多。遂草拟一律，以志挂怀也。

十年未叩古禅关，夜夜三衢枕边环。
寺可卧云多法雨，楼能邀月入柯山。
问经时见松崖绿，礼乐每惊菊蕊斑。
佛慧永明三界路，初心一点未曾删。

注：卧云、永明为天宁禅寺历代高僧名讳，诗中有一语双关之意。

卜算子·赠茅台酒业

清气满仁杯，重碧如云乱。散却千金买醉日，香溢芙蓉岸。

暖日照回波，夜月春风淡。再唤诗仙海上来，去作流霞伴。

鹧鸪天·萧山凤仪桥韵

隐隐蝉声没晚烟，两三白鹭影连翩。
朦胧村景还如许，寂寞湖光犹可怜。
杨柳外，藕花前。软红蝶梦是当年。
只今春去孤蓬老，我在桥头风在天。

行香子·萧山义桥老街

幽静门墙，曲折回廊。依稀见，满院浓芳。
千年河埠，百里烟光。对青街直，青霞老，共昏黄。
几多世味，几许诗肠。暗低徊，又换年光。
桃花巷陌，渔父斜阳。想往来人，往来事，俱微茫。

水龙吟·雅丹国家地质公园

云边落照苍茫，玉门西指瑶台路。
黄蒿满眼，丹峰耸立，乱崖无数。
戈壁残烟，空城画角，繁星棋布。借秦时明月，纤尘洗却，待同赏，神仙斧。

俯仰洪荒谁主，道曾经，海翻雷怒。
电光石火，霜飞骥骤，草奔狐兔。疏勒天清，祁连秋晓，斯人何处？正银驼万里，雄关百二，曲狂如鼓。

浣溪沙·雨中游梅花山

雨过江南软似纱，钟山柳破小黄花。
烟销千点驻梅花。
何处暗香留碧月，几时疏影醉流霞。
孙郎遗绪满青崖。

浣溪沙·忆李白超先生

清月圆时人未圆，春风又到绿梅前。
瑤伽往事未如烟。
汉水几曾同辗转，青山无数待流连。
故人犹在翠微边。

临江仙·港珠澳大桥并贺建国七十周年

千里琼田如日，百年奇想堪惊。
伶仃深处响天声。潮头蓬岛出，海上玉绳横。
唤得鱼龙翻浪，呼来鸥鹭鸶婷。
笑从鳌背入沧溟。镜含云色白，珠吐月波清。

临江仙·文峰山

拨动朱弦三仄，移来文塔千寻。
霞辉峰顶似流金。浓阴翠阁，暖日入书林。
诗礼而今重见，铿锵谁复知音。
墨飞时有冷香侵。岩果果若水，未负是初心。

鹧鸪天·黄河第一湾

日耀澄空舞绣鸾，云开塞上照晴澜。
乾坤妙造无双境，太极初生第一湾。
清涧曲，石楼环。天边新绿满秦川。
长河秋色浓如酒，都在心头不忍删。

鹧鸪天·流江河湿地公园

曲径寻来翠影齐，晚莺恰向向人啼。
红桥横处烟迷岸，轻柳摇时花满堤。
鸥鹭散，水东西。荷亭缥缈接晴霓。
临波欲剪琉璃色，再唤清风拂我衣。

鹧鸪天·贺浙江省诗联学会成立三十周年

红叶清风振碧晖，秋光淡淡雁声飞。
楼头夜唱谁家曲，对酒频传竹叶杯。
邀太白，唤星魁。风骚大雅许追随。
但期潮涌钱塘日，来听惊天十月雷。

鹧鸪天·宿州

万树花堆百尺楼，云都形胜动人眸。
襟连河海观星鸟，背倚中原射斗牛。

思楚汉，数陈刘。争雄往事几经秋。
飘然句落琉璃里，最爱淮南第一州。

念奴娇·白帝城

瞿塘关口，看洪波千里，奔腾如练。
百丈红崖相对起，疑是不周崩断。
龙脊凌空，鹤来绝塞，水天生雷电。
长风无恙，正吹林霭轻展。
兴废白帝城头，沧桑历尽，问鬼雄谁辨。
蜀国仙山佳气永，秋色似深还浅。
知遇恩隆，孤怀未了，都共扁舟远。
少陵何处？一声惊掠天汉。

水龙吟·宣汉马渡关

云开巴蜀雄关，凭栏历历山河晓。
天横彩练，霞明壮锦，九光普照。
鸾凤东来，霜蹄西去，峰环如抱。
任清风度我，空崖百丈，荒城远，征旗杳。

依旧黄沙古道，漫回眸，佳人何老。
长滩十里，烟波帆影，春秋多少。
花气沾衣，岩光浮动，此情难表。
正眉边翠涌，楼头钟起，歌飞林杪。

贺新郎·依淼公贺中华诗词学会成立三十周年韵并和

枝上霜威歇。看中霄，回鸾舞处，瑞浮京阙。
恰值上林春色好，再冉繁花似雪。
数不尽，九州清绝。纵揽山川三万里，有楚骚、五彩光难灭。
诗国梦，更加铁。

百年不度文心热。问谁人、临风又唱，蓟门千迭。
遥送长波津涯阔，袖底珠玑澄澈。再唤起，云帆一叶。
要上星河邀太白，听声来天外奔雷裂。
小宇宙，待飞越。

水调歌头·谒达州元植纪念馆

楼列众山碧，风起水云中。清风拂处，林光爽气满川东。
坐挽流年如梦，细数秦皇九月，杰杖访遗踪。
度旷北溟阔，绝响动遥空。

元与白，两司马，倩谁同。襟边乐府如雪，纸上有潜龙。
更借西厢月影，来遣悲怀万种，醉酒问归鸿。
携子登高去，千点翠华浓。

水调歌头·开化根官佛国

宿雨洗天碧，黛色满秋山。云光隐处，乾坤真气出林端。
凝化丹楹玉陛，再化清佛伽蓝，杰杖渺烟寰。
纵目鸿濛外，日月涌仙班。

峻谷青，霜根老，桂华寒。伐毛换骨，龟蛇随我入芹川。
犹向崖巖高卧，俯瞰钱江浩荡，宇宙一何宽。
胸中驻奇彩，夜夜醉松峦。

浣溪沙·黄河石林

九折洪波，一线天开，势耸绝峰。
尽崎峭崖壁，神工化女；蜿蜒峡谷，鬼斧横空。
狮卧雄关，鹿环紫塞，马路流星日在东。
依稀见，又征帆竞发，浪激苍龙。

回眸清气如虹，更千古风流谁与同。
叹汨罗屈子，楚骚安续；沙门玄奘，宝筏难通。
剑辟书山，旗辉笔柱，西北从来多俊雄。
欣归去，正云来掌上，月到林中。

卜算子·扬州抗疫谨依文彰先生韵并和

淮左起狂潮，大疫如山重。一点青眉万缕愁，此恨人天共。
流火壮雷霆，雪甲何神勇。藕井波翻浩荡春，病濯金轮动。

浣溪沙·贺中华诗词学会演艺界诗词工委成立

人夜风光满画楼，彩灯箫鼓动神州。
百年佳致眼中流。
代有诗骚生逸响，心随雅乐自清幽。
瑶珠千点出莺喉。

